

Biblia alang sa Kabataan motanyag



Ang Prinsipe
Nahimung usa ka
Magbalantay sa
Karnero



Gisulat ni: Edward Hughes

Gihulagway ni: M. Maillot; Lazarus
Alastair Paterson

Gipahaom ni: E. Frischbutter; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.



Usa ka adlaw nakita ni Moises ang usa ka Ehiptohanon nga nagbunal sa usa ka Hebreohanong ulipon. Bisan tuod si Moises gipadako ug edukado ingong usa ka prinsipe sa palasyo ni Paraon, siya usab usa ka Hebreohanon.

Kinahanglan niyang tabangan ang ulipon.



Mitan-aw sa palibot aron sa pagsiguro nga walay tawo nga nagtan-aw, giatake ni Moises ang mapintas nga agalon nga ulipon. Sa misunod nga away, gipatay ni Moises ang Ehiptohanon. Dali niyang gilubong ang lawas.



Pagkasunod adlaw, nakita ni Moises ang duha ka Hebreohanon nga nag-away. Siya misulay sa pagpugong kanila. Ang usa miingon, "Patyon mo ba ako sama sa imong pagpatay sa Ehiptohanon?" Nahadlok si Moises. Ang tanan nahibalo bahin sa nahitabo kagahapon. Nasayod si Paraon. Kinahanglang ni Moise na moikyas.

Miadto siya sa usa ka nasod nga gitawag ug Midian.



Samtang nagpahuway si Moises tupad sa usa ka atabay, ang pito ka anak nga mga babaye sa pari sa Midian nagpuno sa mga pasungan aron paimnon ang mga karnero sa ilang amahan.



Ang ubang mga magbalantay ug karnero misulay sa pagpadaplin kanila. Gipanalipdan ug gitabangan ni Moises ang mga babaye.



"Sayo lagi ka nakauli!" Reuel, mipatugbaw ang amahan sa mga babaye. Sa diha nga ang mga babaye mipasabut ngano, siya miingon, "Dad-a ang tawo dinhi." Si Moises mipuyo uban kang Reuel, nga gitawag usab ug Jetro.

Sa ulahi, si Moises naminyo sa kamagulangang anak nga babaye ni Reuel.



Balik sa Ehipto, si Paraon namatay. Ang katawhan sa Diyos, ang mga Hebreohanon, mga ulipon gihapon. Nag agulo sila sa ilang pag-antos!

Nag-ampo sila na tabangan sila sa Diyos! Gidungog sa Dios ang ilang mga pag-ampo.



Si Moises wala mahibalo niini, apan ang Dios nagplano sa paggamit kaniya sa pagtabang sa naulipon nga mga Hebreohanon. Kap-atan ka tuig ang milabay sukad si Moises mibiya sa Ehipto. Siya ang magbalantay sa mga karnero ni Reuel.

Apan lagmit gimingaw siya sa iyang kaugalingong katawhan sa Ehipto.



Usa ka adlaw namatikdan ni Moises
ang duol nga sapinit nga nagdilaab.
Apan wala masunog sa kalayo ang
sapinit. Nakahukom si Moises
nga iya kining hibalo
kung ngano.



Samtang nagkaduol si Moises, gitawag siya sa Dios gikan sa sapinit. "Moises!" "Ania ako," miingon si Moises. "Ayaw kaayo pagduol," miingon ang Dios. "Huboa ang imong tsinelas, kay ang dapit nga imong gibarogan na yuta mao ang balaan na yuta."



“Ipadala ko ikaw ngadto sa Paraon aron sa pagkuha sa akong mga katawhan gikan sa Ehipto,” miingon ang Diyos. Apan si Moises nahadlok sa pag-adto.



Unya gipakita sa Diyos kang Moises ang Iyang dakong gahom. Iyang gihimo ang sungkod ni Moises nga usa ka bitin.



Sa dihang gipunit ni Moises ang bitin pinaagi sa ikog nahimo kini nga sungkod ug balik. Ang Dios naghatag ug laing ilhanan.




"Ibutang ang imong kamot sa imong dughan," Siya mimando. Gibuhat kini ni Moises. Ang iyang kamut nahimung puti tungod sa sanla.



Sa dihang gibuhat niya kini
pag-usab, naayo ang
iyang kamot.



Misupak gihapon si Moises. "Dili ko maayo mosulti," giingnan niya ang Diyos. Nasuko ang Dios. "Akong gamiton si Aaron, imong igsoon, sa pagsulti sa mga pulong nga imong isulti kaniya," Siya miingon.



Mibalik si Moises kang Jetro,
giputos ang iyang mga butang
ug migikan paingon sa Ehipto.



Gitultolan sa Diyos ang igsoon ni Moises nga si Aaron aron makigkita kang Moises didto sa kabukiran. Gisultihan ni Moises si Aaron sa tanan mahitungod sa plano sa Dios sa pagpahigawas sa mga Hebreohanon gikan sa mga Ehiptohanon.



Magkauban, ilang gidala ang balita ngadto sa Hebreohanong mga lider. Sa dihang gipakita ni Moises ang mga ilhanan ngadto sa mga tigulang nga Hebreohanon, nahibalo sila nga ang Dios motabang kanila. Nagdungan sila sa pagyukbo sa pagsimba.



Maisogon, si Moises ug Aaron miadto kang Paraon. "Ang Dios nagingon, 'Palakwa ang akong katawhan'," sila

miingon kaniya.



"Dili nako buhian ang Israel," mitubag si Paraon. Dili siya motuman sa Dios. Kinahanglang gamiton sa Diyos ang

Iyang dakong gahom sa pag-usab sa hunahuna ni Paraon.



Ang Prinsipe Nahimung
usa ka Magbalantay sa Karnero

Estorya gikan sa Pulong sa Dios, ang Biblia,

makita sa

Exodo 2-5

"Ang pag-abot sa Imong mga Pulong
nagahatag og kahayag." Salmo 119:130





Ang Kataposan

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

